

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 35 zenbakia. 1999ko apirilaren 16a.

480,5 milioiko aurrekontua Udalak

1999ko aurrekontu zehatza 480.572.131 PTA-koa da

Joan zen martxoaren 30eko Udal Batzarrean onartu zuten, Zutik eta HBren kontrako botoekin, 1999rako aurrekontua. Guztira 480.572.131 PTA-ko aurrekontua da, baina honi Antzuolako Udal Etxegintza proiektuaren 86.400.000 PTA gehitu behar zaizkio. Urtero legez Hirigintza batzordea izango da diru gehien izango duen batzordea. Aurten 164.276.003 PTA, hain zuzen ere.



A Ide sei eta kontra lau boto izan zituen Alkateak Udal Batzarrean 1999rako aurkeztu zuen aurrekontuak. Iaz baino 242.138.154

PTA gehiago. Eta igoera nabarmenena hirigintzan somatu da. Izan ere, batzorde honek lan ugari egiteko asmoa dauka aurten. Legealdi honetako azken aurrekontuaren arabera, Gizarte Etxea, Udalak bultzatutako etxebizitzaren lehen lanak, Olarango etxea berritzea eta Kalebarrengo zubia zabaltzea aurreikusi dira, besteak beste. Mikel Larrea alkateak adierazi digunez, "Gipuzkoako udalen ogasunen testuinguruan, Antzuolako Udalaren ogasuneko ekonomi egoera onargarria da, neurri handi batean diru-sarrera arruntek gastu arruntak gaintzen dituzte eta, %20 batean".

INBERTSIOAK

Etxebizitza eta Hirigintza batzordera bideratutako diru partida da aurrekontuen artean adierazgarriena, 164.276.003 PTA. Diru honetatik zatirik handiena, 60 milioi, 30. arearen urbanizaziorako izango da. Izan ere, Udalak berak bultzatutako etxebizitzekin hasi nahi du.

AURREKONTUA BATZORDEKA

Hezkuntza
12.060.391 • %2,5

Kirolak
13.615.000 • %2,8

Komunitate ongizatea
15.972.007 • %3,3


Zor publikoa
22.581.942 • %4,7

Gizarte segurantza, babesa eta sustapena
27.362.525 • %5,6


Administrazio orokorra
38.480.371 • %8

Nekazaritza
9.677.848 • %2

Gobernu organoak
9.415.474 • %1,9



GUZTIRA: 480.092.131 pezeta



110 milioi pezeta inbertituko dira Gizarte Etxea konpontzeko.

Pilotalekuaren inguruko urbanizazioak, bestalde, 45 milioi PTA-ko aurrekontua dauka. Aiherra kalearen jarraipena eta txukuntzea aurreikusten dira hemen. Lanekin jarraituz, aipatzekoa da Kalebarrengo zubia zabaltzeak ere 9 milioi PTA-ko aurrekontua izango duela.

Herrian dauden beste bi proiektu handiri ere helduko die Udalak aurten. Batetik Maristetako egoitzan izango den Gizarte Etxea daukagu. Proiektu honek 160 milioi PTA-ko aurrekontua dauka, 110 aurten eta beste zatia 2000.ean.

Bestetik, Olarango etxea dago. Hemen ere berritze lanak egingo dira eta horretarako 30 milioi onartu ziren martxo azken Udal Batzarrean.

KIROL INSTALAZIOAK

Estalako futbol zelaian konpontze lan bat baino gehiago egin da eraiki zenetik. Baina oraindik ere arazoak ematen jarraitzen du. Horregatik, aurtengo aurrekontuan 9 milioi PTA onartu dira futbol zelaia hobetzeko. Aldi berean, Udalak ez du baztertu igerilekuen proiektua. Hori dela eta, modurik bideragarriena zein den jakin nahian, milioi erdiko aurrekontua onartu du igerilekuari buruzko ikerketa bat egiteko.

1999KO INBERTSIO NAGUSIAK



Gizarte Etxea				
IHGA 30 urbanizatzea			60	110
Frontoi inguruaren urbanizazioa			45	
Olaran etxea berritzea		30		
Futbol zelaian hobekuntzak	9,4			
Kalebarrengo zubia zabaltzea	9			
Herriko jaiak	6			
Milioi PTA	0	30	60	90
			120	

1999ko aurrekontuak 30 milioi pezeta onartu ditu Olarango etxea berritzeko



Patxi etxean

Joan zen zapatuan aske gelditu zen Patxi Olabarria. Goizeko 11:30etan iritsi zen herriko plazara. Hiru urte eta erdi eman ditu espetxean eta hiru espetxetan egon da. Azkenengo hilabeteak Martutenen egin ditu. Urduri ageri zen elizpeko eskailerak igo zituenean. Izan ere, plazan antzuolar asko elkartu zen. Baina tartean baziren Bergara, Oñati, Arrasate eta beste hainbat herritatik etorritako lagunak ere. Guztiek egon nahi izan zuten Patxiaren ongi etorrian. Une hunkigarriak bizi izan ziren eta Gestorak, Gaztetxeak, HBk, bere koadrilak, Sarriegi Taldiak eta herriko beste bi preso senideek, besteak beste, opariak eman zizkiotenean, ezin izan zuen urduritasuna izkatuta.

Datorren zapatuan, apirilak 17, ongi etorri bazkaria egingo da pilotalekuan. Bazkaria 14:00etan izango da.

LARREA

TABERNA

Kalebarren 17
ANTZUOLA

igok eta Txomin

Pintura orokorrean.

Paper, tela, binilo, kortxo... estaldurak.

*Gotelesa, iztukuak eta
bestelako imitazioak.*

ANTZUOLA BERGARA
☎ 943 76 60 39 ☎ 943 76 19 98

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tf.: 943 76 64 23

Medikuaren kontsultarako aldez aurretik txanda eskatzea

Joan zen asteko martitzenetik medikuarengana joateko aurrez txanda hartu behar da. Osakidetzak aspalditxo jarri zuen martxan osasun zentro guztietan neurri hau, baina Antzuolan, Elgetan bezala, ez da oraintsu arte hasi. Gu Luis Bastidarekin, herriko sendagilearekin, berbetan aritu gara modu berri honek nola funtzionatzen duen hobeto jakiteko.

Hiru telefono zenbaki egongo dira txanda hartzeko, eta hobeto funtzionatzeko ordutegi jakin bat ere egongo da. Dena dela, horrek ez du esan nahi ezin denik ordutegi horretatik kanpo deitu edo txandarik gabe joan mediku edo praktikantearengana. Luisek azaldu digunez, "sistema honekin kanpoan egiten diren ilarak saihestu nahi dira neurri batean, horregatik gomendatzen da etorri aurretik txanda hartzea". Hala ere, Luisek badaki hasiera batean ez dela horren erraza izango. "Kontua ez da aldez aurretik jakitea hurrengo egunean gaixorik egongo garen, baizik eta gaizki sentitzen baldin bagara eta hurrengo egunean medikuarengana joatea erabakitzen baldin badugu, orduan txanda hartzea, horrela ez baitugu denbora larregi itxaron beharko".

Aldez aurreko txandak modu neurtu batean emango dira eta horrek medikuari aukerak eskainiko dizkio, batetik etxetan egiten dituen bisitak egiten jarraitzeko eta bestetik txandarik gabe agertzen den jendeaz arduratzeko.

TELEFONOAK ETA ORDUTEGIA

Hiru telefono zenbaki jarri ditu Osakidetzak, aldez aurretik txanda hartzeko: 943 76 24 40, 943 76 24 41 eta 943 76 10 82. Deitzeko ordutegia eguerdiko 14:00etatik arratsaldeko 17:00ak arte izango da. "Ordutegi hau Bergarako an-

bulatorioan lan gutxiago dagoelako hartatu da, honela deiak hobeto hartu ahal izango direlako. Dena dela, argi laga nahi dut ordutegi horretatik kanpo deitzeko arazorik ez dagoela".

Txanda eskatzerakoan deitzen duenari hainbat galdera egingo dizkiote ambulatorioan. "Horrela niregana etortzen direnean, neurri batean, zergatik datoren jakingo dut eta hainbat kasutan, hala nola gaixo kronikoetan, bere fitxa ere prest eduki ahal izango dut".

PRAKTIKANTEAK ERE BAI

Jose txo Goiburu praktikanteak ere aldez aurretik hartutako txandarekin lan egingo du. Hemendik aurrera errezeta bila joateko ere aldez aurretik deitu beharko da goian aipatutako zenbakietara. Gaixo kronikoei hiru hilabeterako botiken errezetak emango dizkie, gauzak errazte aldera.

SOROSLE IKASTAROA

Deba Garaiko DYAk sorosle ikastaroa antolatu du apirilaren 19tik maiatzaren 14a arte. Ikastaroa Bergarako kultur etxean izango da egunero 19:30etatik 21:00era bitartean. Informazio gehiago honako telefono hauetan: 943 46 46 22 (egoitza zentrala) edo 943 78 71 57 (Antzuolako ordezkariak).

MENDI IRTEERA

Madarixa-Xoxote eta Arrate-Urko dira Arrolak antolatu dituen hurrengo bi mendi irteerak. Lehenengoa igande honetan izango da, goizeko 08:30etan. Bigarrena, berriz, apirilaren 18an izango da eta izena emateko, Arrolaren egoitzara jo beharko da apirilaren 19an, astelehena, arratsaldeko 19:30etatik 20:30etara.

ONDAREA ZAHARBERRITUZ

Antzuolako Udalak ondarea zaharbertzeko ematen dituen dirulaguntzak eskatzeko izen ematea zabalik dago.

Eskabideak, behar bezala beteta, Udaletxean aurkeztu daitezke.


Onuradunak lanen fakturak aurkeztu beharko ditu abenduaren 15erako eta horien arabera jasoko du dirulaguntza.



Luis Bastida goizeko 10etan hasten da astelehen eta ostiraletan ambulategian.

GOROSTI Taberna

☎ 943 76 62 96
Zurrategi plaza ANTZUOLA



Z Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak

- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

Hamaikagarren Korrika arrakastatsua

292.445 pezeta jaso ziren herrian

“Bat eta bat hamaika, zu eta ni euskaraz” izan da aurtengo Korrikaren leloa. Antzuolatik Donostiara bidean pasatu zen, martxoaren 24an. Jendetza handia egon zen zain. AEKk aurreko egunetan saldu zen materialarekin 31.600 PTA jaso zituen eta kuestazioarekin, berriaz, 20.845 PTA.

Baina jakingo duzue, Korrika kilometroak erosten egiten da eta Antzuolak sei kilometro erosi zituen. Bakoitzak 40.000 PTA kostatzen zela kontuan izanik, guztira 240.000 PTA jaso ziren. Erosleak herriko enpresak, Elayko langileak eta Udala izan ziren: Elay Taldea (3), Elayko langileak (1), Goizper (1) eta Udala (1).

Bergara eta Antzuolako mugaren artean lekukoa AEKren ordezkariak, Aitziber Aretxagak, hartu zuen. Gero Jesus Kortabarria Xaketak eta Joseba Garitanok eskuratu zuten. Honek Mikel Larrea alkateari eman beharrean, Aitor Gabilondori eman zion. Horixe izan zen gaueko unerik umoretsuena. Korrikako furgone-

tan zahoanek alkatea animatu nahi eta hau lekuko barik. Azkenean, ordea, Aitorrek lekukoa eman zion alkateari eta honek Antigua auzoan itzuli zion.

Azkenengo km-ak Aitor Peña eta Andres Arbuluren artean egin behar izan

zituzten. Deskarga gainera antxitxika joteko asmotan zirenak furgonetara igozten amaitu zuten eta.

ESKER ONA

Deba Garaiko AEKk, bestalde, eskerrak eman nahi izan die Korrikan parte hartu zuten euskaltzale guztiei. Euren esanetan, “lasterketa zaratatsua eta jendetza izan genuen, bai goizeko korrika txikian eta baita gauerdian heldutako Korrika 11n ere. Eta hau guztia, denok batu garelako euskararen alde eta elkarrekin gure herrian euskararen aldeko konpromisoa dugula erakutsi nahi izan dugulako. Berriz ere esker bero-bero bat Antzuolako herriari, portau zate eta!”.



Joseba Garitano plazara iristen.



Aberri Eguna jendetsua izan zen Antzuolan

Euskal Herriko beste herri askotan bezala, Antzuolan ere Lizarra-Garaziko akordioaren sinatzaileek Aberri Eguna ospatzeko egindako deia jendetsua izan zen.

EAJ, HB eta Zutik alderdietako udal ordezkariak elkarrekin sinatutako dokumentua irakurri zuten eta ondoren dantzariak irten ziren. Txistularien soinuari jarraituz dantzariak ikurrina osatu zuten plaza erdian.

KALEGOI 19 ☎ 943 76 64 07


Tomas Gezalaga

ANTZUOLA BERGARA

- Apainketarako eta industriadako pinturak
- Paper margotuak
- Mokatetako eta tapizatuak

GAILUR

taberna eta
gozotegia



Buztinzuri 13 ANTZUOLA
Tf. 943 78 70 32

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutxilatutako eta barnizaketa